



mjesečni Bilten



juni
lipanj
2023.

289

omladinska mreža bosne i hercegovine
ISSN 2831 - 0845

Dragi prijatelji/ce,

Predstavljamo vam junsko izdanje (broj 289) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine.

Bilten izlazi na bosanskom-crnogorsko-hrvatsko-srpskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.orctuzla.ba



SADRŽAJ	
Aktivnosti u junu.....	2
Planovi za juli.....	6
Aktivnosti članova mreže.....	7
Saopštenja/informacije/donatori/pozivi.....	17

Uživajte u čitanju!

AKTIVNOSTI ORC/HCA U JUNU



NATO YOUTH SUMMIT, Brisel

Tokom mjeseca juna naši su mačići, Mirela Biković i Slobodan Blagovčanin, boravili u Briselu i vrijedno pratili jedan od najvažnijih NATO događaja za mlade. NATO omladinski samit je okupio mlade sa obje strane Atlantika u cilju razgovora o trenutnim i budućim prijetnjama za mir i sigurnost evroatlantskog prostora.



Tokom dana su mladi imali priliku da slušaju i uče od mnogih eminentnih stručnjaka iz različitih sfera, a na samom kraju samita im se obratio i Generalni sekretar NATO-a, gospodin **Jens Stoltenberg**, učesnici su imali priliku i da razgovaraju sa Generalnim sekretarom.

Slobodan Blagovčanin je Stoltenberga pitao o budućnosti BiH u okviru NATO integracija.

Stoltenberg je pričao o svojim iskustvima u Bosni i Hercegovini, a potom kazao kako je naša zemlja partner NATO-a.

“Prvo da vam kažem da sam kao dijete živio u Jugoslaviji, prije nego što su vase republike postale nezavisne zemlje. Moj otac je radio u ambasadi Norveške u Beogradu i puno smo putovali po Bosni i Hercegovini. Sjećam se da sam bio u Banjaluci puno puta, jer nam je bilo prema moru iz Beograda, ali i u Sarajevu gdje sam pojeo prvi sladoled, da se sjećam, 1963. ili tako nekako. A onda, naravno, Bosna i Hercegovina, je partner NATO-a. Već godinama radimo zajedno sa Bosnom i Hercegovinom. Kao što znate, mi - NATO - smo imali ključnu ulogu, pomogli smo da se zaustavi brutalni rat u Bosni i Hercegovini, i od tada smo tamo. Imamo štab u Sarajevu, i blisko saradujemo s vašim vlastima. Naravno, postoje izazovi. Postoje podjele unutar Bosne i Hercegovine, ali NATO će biti tamo da pomogne i reformiše vaše odbrambene i sigurnosne institucije i pomogne pomake ka euroatlantskim integracijama”, kazao je Stoltenberg.

Važno je napomenuti da su naši Slobodan i Mirela bili jedini učesnici samita čija zemlja nije članica NATO-a.

Uskoro vam donosimo još video materijal sa čitavog samita, kao i naš vlog u kojem ćete imati priliku da vidite kako smo se proveli.

Zahvaljujemo se NATO BiH na pruženoj prilici i radujemo se nastavku saradnje.



CAT Bosna i Hercegovina

Tokom mjeseca juna, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naše mačke su nastavile da oduševljavaju javnost na društvenim mrežama sa mnogo meme-ova, poziva na seminare, pozitivnih priča o mladima iz Bosna i Hercegovine.

Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).



Moj zeleni otisak!



Kao pauzu od učenja, ispita i telefona, naši volonteri su iskoristili drugu fizičku aktivnost našeg projekta "Moj zeleni otisak", Veče društvenih igara.

Testirali smo također i **Reciklomat**, koji se nalazi u **Bingo City Centru**, koji ćemo intenzivno koristiti u sklopu projekta "Moj zeleni otisak".

Projekat "Moj zeleni otisak" je podržala **Fondacija tuzlanske zajednice** u okviru projekta "**Naša zajednica je naša odgovornost**", kojeg na području TK provodi uz podršku **USAID-a**, u okviru programa **Snaga lokalnog**.

Također je važno da mladi ljudi znaju razmišljati o onome što vide u medijima, zbog toga što određeni pojedinci i grupe koriste tu slobodu da plasiraju lažne informacije i siju mržnju i podjele - kazao je ambasador Waltmans.



Lažne vijesti i mentalno zdravlje mladih

U okviru IOM-ovog **Bosnia and Herzegovina Resilience Initiative projekta (#BHRI)**, organizirana je diskusija "**Lažne vijesti i mentalno zdravlje mladih**", s ciljem promocije odgovornog i objektivnog pristupa medijskim informacijama.



Predstavnice/ci organizacija civilnog društva i medijski profesionalci/ke iz **Raskrinkavanja, BIRN BiH, Media centara Sarajevo i Etrafike** diskutirali su o fenomenu lažnih vijesti, pristupu relevantnim informacijama, te važnosti provjere njihove vjerodostojnosti.

Sa psihologinjom **Senkom Čimpo**, te mladima iz **Ona u BiH, Ammar Grabić i CAT BiH, Mirela Biković** učesnice/ci razgovarali su o tome kako se lažne vijesti i govor mržnje na društvenim mrežama održavaju na mentalno zdravlje mladih, a tokom rada u grupama potvrdili su neophodnost provjeravanja izvora, informiranja publike o postojećim alatima za provjeru informacija, te kontinuiranog razvijanja medijske pismenosti, posebno kod mladih.



ALTYO trening, Struga



Od 20. do 23. juna 2023. godine, više od 25 ljudi iz 7 zemalja učestvovalo je na **ALTYO Training kursu** održanom u **Strugi, Sjeverna Makedonija**, među njima bilo je i 10 predstavnika iz Bosne i Hercegovine.

Trening je imao za cilj da istraži zagovaranje i lobiranje kao instrumente koje organizacije civilnog društva mogu uspješno koristiti da dovedu do institucionaliziranih i zakonskih promjena na lokalnom, regionalnom

i nacionalnom nivou.

Pojmovi "Zagovaranje u omladinskom radu", "Šta je zagovaranje?" i konačno, "Kako razviti kampanju javnog zagovaranja" su bili razvijani tokom dana trajanja treninga.



Mladi za vladavinu prava – finalni događaj


Preko 70 mladih ljudi, predstavnika pravosuđa i nevladinih organizacija učestvovalo je na završnom događaju **“Mladi za vladavinu prava”** u Sarajevu, na kojem su prezentirani rezultati dvogodišnjeg projekta usmjerenog na širenje znanja i jačanje uloge OCD-a i mladih u promociji i zaštiti osnovnih ljudskih prava i vladavine prava u zemlji.



“Zadovoljstvo i velika mi je čast biti na današnjem događaju kojim se završava projekat Mladi za vladavinu prava. U Udruženju žena sudija prepoznali smo značaj i vrlo rado se odazvali pozivu da učestvujemo želeći da svoje znanje prenesemo na ove mlade ljude.”, istakla je **Amela Mahić Samardžić**, predsjednica **Udruženja žena sudija BiH**.

Panelisti su istakli kako je ponovna izgradnja povjerenja mladih u pravosudne institucije ključna za osiguranje funkcionisanja pravde i vladavine prava.

Projekat finansira **Evropska unija**, a spovode ga **JaBiHEU** i **ORC Tuzla**.



Anna Lindh Fondacija Bosanskohercegovačka mreža

Sastanak koordinatora nacionalnih mreža ALF – Geteborg, Švedska, 12. – 14. Juni

Švedska mreža ALF je od 12. do 14. juna bila domaćin institucionalnih sastanaka **Fondacije Anna Lindh (ALF)** sa Upravnim odborom, Savjetodavnim vijećem i koordinatorima mreže u okviru švedskog predsjedavanja Vijećem EU.

Domaćin sastanaka bio je Nacionalni muzej svjetske kulture (ALF koordinator) u Muzeju svjetske kulture u Geteborgu uz podršku Ministarstva vanjskih poslova Švedske.

Dnevni red sastanka koordinatora mreže uključivao je:

Pripreme za Anna Lindh Forum (2025.)

Networks Lab

Diskusije o godišnjem planu rada ALF-a za 2025. Program mrežnog angažmana

Ovogodišnji sastanak nacionalnih koordinatora ALF Mreža otvorila je ambasadorica **Ulrika Sundberg** iz Ministarstva vanjskih poslova Švedske.

Koordinator švedske mreže, **Rasha Shaaban**, održala je radionicu o vrijednostima saradnje i kako održati zdrave i dugoročne odnose sa svojim partnerima.

Tokom sastanka održane su i tri paralelne radne grupe, čiji cilj je bio da identifikuju partnerstva,

kako bi se ovaj događaj iskoristio i povezao sa lokalnim programima i mrežnim aktivnostima i programima koji će se odvijati tokom perioda koji prethodi Forumu.

Radnu grupu vezanu za saradnju u pripremama za ALF Forum, osim **Mohammeda Hafez iz ALF Sekretarijata**, te **Roberta Križaniča, HoN Slovenije**, koordinirao je i **Miralem Tursinović, HoN Bosne i Hercegovine**.



REDOVNE AKTIVNOSTI ORC I HCA TUZLA

Tokom juna smo radili na održavanju i razvoju komunikacija i koordinacije unutar Omladinske mreže Bosne i Hercegovine (www.orctuzla.ba). U okviru toga smo svakodnevno na mejling listu mreže (omladina@orctuzla.ba), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA JULI 2023.

Nastavak ostalih aktivnosti u okviru projekta CATNet.

Ovaj projekat je realiziran zahvaljujući podršci **Bosnia and Herzegovina Resilience Initiative (BHRI)**, projekat kojeg implementira **Međunarodna organizacija za migracije (IOM)**, a kojeg finansira **Austrijska razvojna saradnja**.

Nastavak aktivnosti na ostalim projektima, fundraising te zasluženi godišnji odmor.

AKTIVNOSTI ČLANICA OMLADINSKE MREŽE BiH



Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, +387 61 179 209, +387
63 366 811

E-mail: m.sekib@bih.net.ba

www.ocd-dijamant.net

UREĐENJE RIJEKE "VRBASA" U POVODU OBILJEŽAVANJA 5. juna SVJETSKOG DANA ZAŠTITE ŽIVOTNE SREDINE

Uz podršku Misije OSCE-a u BiH, Terenski ured Travnik, i općine Jajce, mladi Omladinskog kluba ŽOK Jajce – Nansen uzeli su učešće na uređenju rijeke Vrbas, a u pobodu obilježavanja 5. Juna – Svjetskog dana zaštite životne sredine.



Cilj ove akcije bio je podići svijest o očuvanju životne sredine, potaknuti građane na očuvanje okoliša, rijeka i prirodnih bogatstava kojima je naš grad okružen.

Važno je istaknuti da ekološke akcije ne bi bile moguće bez volonterskog angažmana građana i podrške lokalnih organizacija. Aktivno sudjelovanje i angažiranje građana u ovakvim inicijativama ključno je za očuvanje prirode i stvaranje održivog okruženja za sve nas.

Svjetski dan zaštite životne sredine je podsjetnik da svatko od nas može pridonijeti zaštiti okoliša i da je svaka akcija važna.

Klimatske promjene, degradacija okoliša i prirodne katastrofe prisiljavaju milione ljudi da napuste svoje domove i zajednice, uzrokujući raseljavanje i migracije ljudi širom svijeta.

Kontinuirano obilježavamo Svjetski dan zaštite životne sredine, dan kada želimo uputiti na važnost očuvanja životne sredine.

Poplave su prirodna pojava koje imaju ozbiljne posljedice po naš život i okoliš. Intenzivne kiše, otapanje snijega, porast nivoa mora ili rijeka, kao i neadekvatno upravljanje vodnim resursima, mogu doprinijeti povećanom riziku od poplava. Posljedice poplava su raznolike i uključuju gubitak ljudskih života, oštećenje infrastrukture, uništavanje usjeva i gubitak staništa za životinje. Poplave mogu rezultirati dugoročnim ekonomskim i društvenim posljedicama, uključujući raseljavanje stanovništva, gubitak imovine i povećan rizik od bolesti.

Nemamo mnogo vremena za djelovanje. Već sada se suočavamo s ogromnim gubicima i štetom za našu i buduće generacije.



Podizanjem svijesti o uzrocima i posljedicama poplava, možemo potaknuti djelovanje na svim nivoima kako bismo se bolje pripremili, smanjili rizik i zaštitili naše zajednice od prirodnih katastrofa.

Na ovaj način svi zajedno jačamo svijest očuvanja okoliša i naših prirodnih bogatstava. Svi zajedno moramo dati doprinos, dati svoj maksimum jer samo tako možemo uraditi nešto korisno za svoj grad i svoju okolinu.

Nadamo se da će ekološke akcije poput ove inspirirati i druge zajednice da poduzmu slične korake u zaštiti životne sredine. Samo zajedno možemo stvoriti bolju budućnost za našu planetu. generacije

Na kraju akcije organizator je upriličio zajednički ručak i osvježavajuće piće za sve učesnike.

TRAGOVIMA OBIČAJA I TRADICIJE – KULTURNO SJEĆANJE

Aktivisti, volonteri i članovi Udruženja omladinskog kluba "Dijamant" Jajce najavljuju organizaciju manifestacije "Tragovima običaja i tradicije-kulturno sjećanje". Manifestacija će se održati uz podršku Federalnog ministarstva kulture i sporta-Lutrija.

U Bučićima ćemo, 3. avgusta ove godine, od 20h realizirati kulturno-zabavno i sportsko-rekreativni program povodom održavanja 20. Tradicionalne manifestacije. Planirane aktivnosti će dati priliku da se družimo i evociramo uspomene naših prethodnika, jer ima veliki značaj za afirmaciju, očuvanje običaja i tradicije kroz kulturno pamćenje.



Cilj ove aktivnosti jeste nastaviti kontinuitet poboljšanja trenutnog stanja, u vezi sa lošom situacijom u zaštiti i njegovanju kulturne baštine BiH, kao i ojačati sposobnosti, vještine i znanje djece i mladih putem edukacije, medijske promocije, kulturnih aktivnosti i ukazivanja na problem u lokalnoj zajednici. Projektne

aktivnosti su namijenjene za ciljanu grupu 60 mladih, direktnih učesnika u dobi 10-18 godina i 5000 indirektnih učesnika-korisnika. Na osnovu provedene ankete među mladima u zajednicama općine Jajce, došli smo do sljedećeg zaključka: Mladi ljudi u naseljima Lendića, Kruščice, Bučići, Lupnice i drugih naselja i urbanog dijela grada trebaju dodatno osnaživanje, trebaju priliku za dodatnu edukaciju, priliku za kvalitetnu razmjenu iskustva. Kroz neformalno obrazovanje i učenje pružit ćemo im priliku da se stečena znanja primjene u praktično. Projektom je predviđeno organizovanje tri jednodneve radionice u cilju osnaživanja 60 mladih sa područja pomenutih zajednica. Organizovat ćemo edukativno-interaktivne radionice iz oblasti kulture. Mladi sa područja Jajca će dobiti besplatnu neformalnu edukaciju. Aktivnostima želimo informirati javnost, a posebno mlade o mogućnostima koje planirane aktivnosti omogućavaju. Aktivnosti su inovativane i suvremene, jer omogućavaju slobodno učešće svih zainteresovanih.

**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac**Dnevne radionice**

Omladinska organizacija Svitac je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su razgovarali o pticama, puževima, gusjenicama, ribama, pčelama i kitovima; izradili su ih tematski od papira, kartona i ukrasnog materijala. Učesnici su uživali u kreativnom dijelu i modeliranju malih čudovišta od slanog tijesta. Nastavili su i sa

muzičkim radionicama, uvježbavanjem ritmova i pjesme o lisici i visibabi. Završili su sa abecedom i počeli učiti i pisati brojeve od 1-4. Radili su vježbe zagrijavanja i jogu za djecu, a svakog su četvrtka plesali, bavili se sportom i vježbali čitanje i slušanje priča. Cilj ovih edukativnih aktivnosti je da djeca razviju maštu i da koristeći razne materijale izraze svoju kreativnost, te da razviju motoriku, pamćenje, osjećaj tolerancije i poštovanje prema drugima i usvoje lijepo ponašanje. Sve radionice su implementirane uz edukativnu vizuelnu metodu sa slikama i videom.

Uzrast 13+ je učestvovao u diskusijama/radionicama na teme: minimalizam, kulturna raznolikost, interkulturalni dijalog i postkolonijalizam. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama su učili upotrebu priloških rečenica za mjesto, kazivanje vremena, vokabular novih riječi u vezi s hranom i pićem, pisali diktate, čitali i prevodili kratke tekstove i fraze, radili na vježbanju svakodnevnih komunikacije i gramatike, učili novi vokabular, te radili na zanimljivim prezentacijama i projektima.





SVITAC Radionice gitare

U okviru novih pjesama, etida i kompozicija na kojima su učesnici radili nalaze se: "Capriccio br. 26 i 27, (L.Legnani), "Etida u E-molu" (D. Aguado), "Adelita (F. Tarrega) i "Love of my life" (Queen).



SVITAC Radionice sambe

Grupa je radila na dvije nove ideje. Prva je u H-molu (radnog naslova - LGN) dok je druga u A- molu (M.M. Mouse). Pored toga, grupa je radila na kompozicijama nastalim u prethodnom periodu.



SVITAC Međunarodni dan porodice

Od 1980-ih, značajna uloga porodice sve više dolazi u fokus međunarodne zajednice. Generalna skupština je usvojila nekoliko rezolucija i proglasila Međunarodnu godinu porodice i Međunarodni dan porodice. Za potpun i skladan razvoj svoje ličnosti, djeca treba da odrastaju u porodičnom okruženju i atmosferi podrške, sreće, ljubavi i razumijevanja. Omladinska organizacija Svitac održala je zanimljivu i kreativnu radionicu na ovu temu sa učesnicima od 4-7 godina. Razgovarali smo o tome koliko volimo i poštujemo svoje roditelje, pogledali animirani video o srećnoj porodici i napravili lijepe čestitke za njih. Radionica je održana u prostorijama Omladinskog centra Brčko distrikta.



SVITAC Svjetski dan zaštite okoliša

Svjetski dan zaštite okoliša, poznat i kao „Eko dan“, obilježava se svake godine 5. juna i jedan je od glavnih alata Ujedinjenih naroda za podsticanje svijesti i djelovanje za zaštitu okoliša. Omladinska organizacija Svitac je ovaj dan obilježila sa najmlađim učesnicima. Pogledali su edukativni video o reciklaži, a naši volonteri su sa njima, u uvodnom dijelu aktivnosti, razgovarali o odlaganju otpada. Nakon toga su napravili plakat zagađenog okeana sa ribama i ostalim morskim bićima, sa porukom „Sačuvajmo planetu“! Na kraju radionice svaki učesnik je dobio naljepnicu sa malim drvцем na majici.





SVITAC Proljetni festival

Omladinska organizacija Svitar je 7. juna organizovala „Proljetni festival“. Porodica i prijatelji učesnika, ali



i djeca i mladi iz Brčko Distrikta imali su priliku pogledati zanimljiv muzički program. Naši najmlađi učesnici su pjevali, glumili i plesali. Lokalni i međunarodni volonteri su adaptirali priču „Vrlo gladna gusjenica“ Erica Carlea u malu pozorišnu predstavu. Veoma su uživali u glumi, a naš prijatelj John je

glumio sjajnu gladnu, ali zabavnu gusjenicu! Nakon programa, djeca su imala dvije kreativne stanice za izradu cvijeća i origami životinja! Družili su se uz osvježanje, muziku i ples.



SVITAC Međunarodni dan borbe protiv dječijeg rada

UN obilježavaju Međunarodni dan borbe protiv dječijeg rada 12. juna svake godine.

Omladinska organizacija Svitar je ovaj dan obilježila sa najmlađim učesnicima. Sa njima smo razgovarali o djeci u svijetu koja moraju raditi da bi finansijski izdržavala svoje porodice. Pitali smo ih i šta deca po njihovom mišljenju treba da rade – a odgovor je bio da se što više igraju. Grupa je napravila prekrasan šareni poster na ovu temu i nacrtala svoje savršeno igralište. Ova aktivnost je podsjetila naše učesnike da su mnoga djeca širom svijeta nesretna, ali i da imaju pravo na sretno djetinjstvo, obrazovanje, zdravlje i ljubav.



SVITAC Svjetski dan izbjeglica

Svjetski dan izbjeglica obilježava se 20. Juna, kako bi se podigla svijest o teškoj situaciji s kojom se suočavaju ljudi širom svijeta koji su prisiljeni napustiti svoje domove. Naši učesnici su pogledali video o dvije djevojčice koje su morale napustiti svoj dom zbog ratnih sukoba. Trenutno se obje nalaze u BiH, idu u školu i uče jezik. Nakon videa smo razgovarali sa učesnicima i pitali ih šta bi oni željeli da ove dvije djevojčice imaju dok žive u drugoj zemlji, a zatim da to i nacrtaju. Za kraj smo dobili dva prekrasna plakata sa crtežima vesele djece u školi i na igralištu, te kuću punu sretno porodice.

Poruka radionice je u simbolici - sa učesnicima smo zaključili da svako treba da ima mjesto za život i da niko nema pravo nekome oduzimati životni prostor, dom ili ih odvajati od prijatelja i porodice.

Za juli se planira nastavak svih aktivnosti Omladinske organizacije Svitar.

Institut za razvoj mladih KULT



4th Viteške brigade
34 – 36 BA, 71210 Ilidža, Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org



Mladi kao snaga i pokretač promjena u društvu

Četvrti modul obuke Uči, misli i djeluj 18! polaznicima je približio temu politika prema mladima. Poznavanje procesa kreiranja politike prema mladima, polaznicima daje potrebno znanje i vještine da budu aktivni sudionici pri definiranju potreba i pronalasku institucionalnih rješenja s ciljem poboljšanja položaja mladih na lokalnom nivou.



Polaznici su kroz ovu temu upoznati kako se vlast, naročito lokalna, susreće sa rješavanjem problema mladih. Poznavajući mehanizme njihovog uključivanja u donošenje odluka, polaznici su osposobljeni za zagovaranje u svojim zajednicama.

A da je modul ispunio očekivanja, potvrdile su i izjave polaznika, koji su naglasili da izuzetno važnim smatraju uključenost mladih u kreiranje strategija prema mladima i politike prema mladima.

Mladi su snaga i pokretač promjena u budućnosti, a njihova uključenost može doprinijeti brojnim koristima za mlade i društvo u cjelini.

Gosti "Kafa sa..." bili su predstavnici Vijeća mladih Federacije Bosne i Hercegovine koji su polaznicima govorili o svom radu i uključivanju mladih u procese donošenja odluka. U nadolazećem periodu, polaznici će početi sa provedbom svojih lokalnih građanskih inicijativa uz finansijsku i mentorsku podršku Instituta.



Mladi su srce Sarajeva – stavovi i mišljenja mladih za Sarajevo po mjeri mladih!

Grad Sarajevo ušao je u finale za prestižnu titulu Evropska prijestolnica mladih. Kako bi dobili status prijestolnice mladih, Sarajevo treba graditi po mjeri mladih, a ono što je najvažnije jesu stavovi i mišljenja mladih.

Događaju

“Mladi su srce Sarajeva: Dijalog mladih i vlasti”,

priključili su se svi motivirani mladi ljudi koji su željeli predložiti, inovirati i smišljati kreativna rješenja za stvaranje boljih uslova za mlade u Sarajevu. Ovaj događaj mladima je pružio priliku

da razgovaraju sa političarima i predstavnicima različitih institucija iz Kantona Sarajevo, Federacije BiH i drugih nivoa vlasti. Mladi su zajedno sa donosiocima odluka i predstavnicima vlasti razgovarali o konkretnim idejama i aktivnostima iz različitih oblasti koje će biti sastavni dio programa za titulu Evropske prijestolnice mladih.

Grad Sarajevo i četiri općine koje su u sastavu Grada danas su potpisali Sporazum o saradnji kojim se još jednom daje podrška, ali i pokazuje spremnost za kreiranje boljih uslova za mlade.

Na događaju se radilo i u grupama, te razgovaralo o prostoru za mlade, o donosiocima odluka koji mogu podržati mlade, ali i o posebnosti grada Sarajeva i potrebama mladih ljudi. Promišljajući o problemima mladih, iznoseći kreativne ideje kako odgovoriti na postojeće potrebe i probleme mladih, te ideje kako da Sarajevo bude više naklonjeno mladima, mladi su zaključili da mogu učiniti Sarajevo boljom sredinom za život svih nas.

Partneri Gradu Sarajevo za aplikaciju **Sarajevo Evropska prijestolnica mladih** su: Institut za razvoj mladih KULT, Udruženje Zora, Općina Stari Grad, Općina Centar, Općina Novo Sarajevo, Općina Novi Grad, Vijeće mladih Općine Novo Sarajevo, Vijeće mladih Općine Stari Grad, Vijeće mladih Općine Novi Grad i Vijeće mladih Federacije BiH.

Titulu Evropske prijestolnice mladih svake godine dodjeljuje najveća platforma omladinskih organizacija u Evropi, Evropski forum mladih. Gradovi finalistu za 2026. godinu pokazali su posvećenost mladima, kontinuirano ulaganje i integriranje mladih u svakodnevni gradski život.



Partneri Gradu Sarajevo za aplikaciju **Sarajevo Evropska prijestolnica mladih** su: Institut za razvoj mladih KULT, Udruženje Zora, Općina Stari Grad, Općina Centar, Općina Novo Sarajevo, Općina Novi Grad, Vijeće mladih Općine Novo Sarajevo, Vijeće mladih Općine Stari Grad, Vijeće mladih Općine Novi Grad i Vijeće mladih Federacije BiH.

Titulu Evropske prijestolnice mladih svake godine dodjeljuje najveća platforma omladinskih organizacija u Evropi, Evropski forum mladih. Gradovi finalistu za 2026. godinu pokazali su posvećenost mladima, kontinuirano ulaganje i integriranje mladih u svakodnevni gradski život.

Titulu Evropske prijestolnice mladih svake godine dodjeljuje najveća platforma omladinskih organizacija u Evropi, Evropski forum mladih. Gradovi finalistu za 2026. godinu pokazali su posvećenost mladima, kontinuirano ulaganje i integriranje mladih u svakodnevni gradski život.

Titulu Evropske prijestolnice mladih svake godine dodjeljuje najveća platforma omladinskih organizacija u Evropi, Evropski forum mladih. Gradovi finalistu za 2026. godinu pokazali su posvećenost mladima, kontinuirano ulaganje i integriranje mladih u svakodnevni gradski život.

Titulu Evropske prijestolnice mladih svake godine dodjeljuje najveća platforma omladinskih organizacija u Evropi, Evropski forum mladih. Gradovi finalistu za 2026. godinu pokazali su posvećenost mladima, kontinuirano ulaganje i integriranje mladih u svakodnevni gradski život.



Motiviranje drugih i dobra saradnja sa partnerskim organizacijama dodatni su razlog za uspješne priče!

Institut za razvoj mladih KULT posjetile su predstavnice EKO EHO – Centra za edukaciju i promociju zdravog života. Želeći da se upoznaju sa radom Instituta u praksi, te da nauče nešto novo što će moći primijeniti i u radu svoje organizacije, gošće su imale priliku pitati uposlenike sve što ih je interesiralo, družiti se i steći nova znanja. Podrška i pomoć izuzetno su važni za rast i razvoj organizacija, a Institut kroz svoje djelovanje nesebično nudi podršku i motivira sve organizacije da djeluju u svojim zajednicama i budu sistem podrške.



Institut za razvoj mladih KULT razvio je koncept Job shadowing koji će organizacijama civilnog društva u Bosni i Hercegovini pružiti novu perspektivu organizacijskog razvoja. Ovaj koncept se najčešće koristi kao oblik stručnog usavršavanja, te služi za proučavanje svakodnevnih aktivnosti, posla, radnog okruženja, primjene različitih metoda i modela rada u praksi. Partnerske organizacije zahvaljujući Job shadowing-u imaju priliku da vide kako rad Instituta izgleda u praksi, da se bolje upoznaju sa osobljem Instituta, te da dobiju važne i korisne savjete za rad svojih organizacija. Vidljivo motiviranje drugih i dobra saradnja sa partnerima razlog su više da Institut hrabro nastavi dalje sa ovakvim aktivnostima i bude podrška u jačanju organizacijskih kapaciteta s ciljem stvaranja boljih prilika za društvo u kojem živimo.

Posjete se nastavljaju, te Institut očekuje još nekoliko partnerskih organizacija koje žele unaprijediti svoje organizacijske kapacitete i boraviti u Institutu s ciljem stjecanja novih iskustava, ideja i znanja.

Više o konceptu Job shadowing moguće je saznati [OVDJE](#).

**Centar za mlade INPUT**

Ul. Mokušnice 10, 72000 Zenica
Tel./fax: +387 +387 62 116
343 www.inputcentar.com
info@inputcentar.com
E-mail: info@inputcentar.com

 **Ljeto U Centru za mlade INPUT-u****YOUth Meet up
sa Adnanom
Muzurovićem**

Tema:
Gaming scena u BiH

**Ponedjeljak
03.07.2023.
u 18:00h**

**Centar za mlade
INPUT
Mokušnice 10,
Zenica**

www.inputcentar.com



„Ljeto U Centru za mlade INPUT-u“ je tradicionalna manifestacija, koju za djecu i mlade tokom ljetnog raspusta organizuje omladinska organizacija Centar za mlade INPUT, a tako će biti i ove godine. Pozivamo sve mlade sa područja Grada Zenice da budu promjena koju žele da vide u društvu i da rade na svom ličnom razvoju kroz edukacije i radionice. Sve aktivnosti počinju već od 01.07.2023. godine, i to radionicom Bedžomanija art i društvenim igrama. Aktivnosti i radionice će se po naknadnom rasporedu održavati dva do tri puta sedmično u prostorijama **Centra za mlade INPUT**. Planirane aktivnosti i radionice su: YOUth Meet Up... „Moje kompetencije moja karijera“, „Zakuhajmo zajedno“, „Moja kreativna strana“, „Bedžomanija art - kreirajmo svoj bedž“, Dani društvenih igara, Turnir u stonom fudbalu i stonom tenisu, besplatna CoderDojo škola

programiranja za uzrast od 13 do 17 godina.

Potom će uslijediti STEM i IT edukacije, sa nizom radionica takođe za djecu i mlade, kada će učiti o osnovama programiranja, radu sa robotima, potom o programskim jezicima, grafičkim programima, te sticati i druga nova znanja u ovim oblastima ili ih pak proširivati. Svi zainteresovani se mogu prijaviti putem online obrasca. Svi koji žele da predlože i vode neku edukaciju ili radionicu tokom ljetnog raspusta u Centru za mlade INPUT i, ukoliko su zainteresovani za tako nešto, mogu se javiti putem maila: info@inputcentar.com ili putem vibera +387 62 116 343.

Budi promjena koju želiš da vidiš u društvu.



Meet IT Women

U Centru za mlade INPUT su u mjesecu junu održane IT radionice za djevojke i žene. Održane su četiri radionice koje je vodio **Adi Salčinović** i to: 3D modeliranje i 3D printanje, kao i osnove HTML&CSS i Uvod u rad u Wordpressu. Nakon održanih radionica organizovan je događaj **Meet IT women**, na temu osnaživanja djevojaka i žena u IT svijetu. Pomenutim aktivnostima je prisustvovalo preko 20 djevojaka i, kako su izjavile, da im je bilo odlično i da očekuju još ovakvih događaja. Ovu aktivnost smo realizovali u saradnji sa našom volonterkom koja pohađa Akademiju demokratije za mlade žene, a u organizaciji nevladine organizacije "Žene za Žene International" i donatora **National endowment for democracy - NED**.



INFORMACIJE / NAJAVE / DONATORI / POZIVI

1. Centralnoevropska inicijativa: Poziv za dostavljanje projektnih prijedloga



Centralnoevropska inicijativa (CEI), u okviru Programa razmjene znanja (Know-how Exchange Programme), raspisala je poziv za dostavljanje projektnih prijedloga.

Poziv je otvoren do 14. jula 2023. godine, a namijenjen je privatnim i javnim ustanovama, međunarodnim i nevladinim organizacijama iz zemalja CEI.

Sve informacije o načinu i uslovima učešća dostupne su u dokumentu [Poziv za dostavljanje prijedloga 2023.](#)

Projektni prijedlozi moraju biti u skladu sa CEI Akcionim planom. Dokument je dostupan na internetskoj stranici Centralnoevropske inicijative na [linku](#).

Maksimalni iznos sredstava po jednom projektu iznosi 40.000 evra. Aplikanti moraju obezbijediti sufinansiranje u iznosu od najmanje 50 odsto ukupne vrijednosti projekta. Sufinansiranje može biti i u naturi (roba ili usluge, infrastruktura, oprema i slično).

Centralnoevropska inicijativa je regionalni međuvladin forum posvećen podršci evropskim integracijama i održivom razvoju kroz saradnju između i sa državama članicama Evropske unije, međunarodnim i regionalnim organizacijama, kao i sa drugim javnim ili privatnim institucijama i nevladinim organizacijama.

Izvor: [Univerzitet u Banjoj Luci](#)

2. Javni poziv za prijave omladinskim mirovnim aktivistima_cama za pisanje medijskog članka i prezentaciju



Udruženje Mreža za izgradnju mira poziva zainteresirane omladinske mirovne aktiviste_kinje da prijave svoj tekst za medijski članak koji će se objaviti na web stranici Mreže za izgradnju mira i prezentirati na Konferenciji „Omladinski aktivizam za mir“ koja se održava u septembru/rujnu ove godine.

Okvirna tema medijskog članka je „Ka pozitivnom miru u mojoj zajednici“. Na dnu poziva nalaze se opisani faktori pozitivnog mira.

Uslovi za prijave:

1. Dob od 18 do 30 godina;
2. Angažman i iskustvo u lokalnoj zajednici kao omladinski_a mirovni_a aktivista_kinja u okviru udruženja, fondacije ili u okviru neformalne inicijative;
3. Omladinski_a mirovni_a aktivista_kinja dolazi iz jednog od sljedećih mjesta: Istočno Sarajevo, Gornji Vakuf – Uskoplje, Kotor Varoš, Drvar, Pale, Prijedor, Stolac, Srebrenica, Tuzla i Velika Kladuša.

Obaveze angažiranih omladinskih mirovnih aktivista_kinja:

1. Prijedlog specifične teme na koju će autor_ica napisati svoj tekst;
2. Priprema medijskog članka na pozitivnog mira u zajednici autor_ice iz perspektive mladih;

3. Priprema jedne fotografije koja ilustrira lokalnu zajednicu iz koje autor_ica dolazi ili neki događaj lokalne zajednice;
4. Prezentacija teksta u 5 minuta na konferenciji Konferenciji „Omladinski aktivizam za mir“.

Udruženje Mreža za izgradnju mira će odabranim autorima_cama dodjeliti honorar u iznosu od 355 BAM bruto. Period angažmana: 20.08 – 22.09.2023.

Pored objave medijskog članka na web stranici Mreže za izgradnju mira, koji će biti promoviran i kroz društvene medije Mreže, autori_ce su pozvani i obavezni da učestvuju na događajima u okviru „Dani mira 2023 – Budućnost = Pozitivni mir“, koji će se održati u Sarajevo od 20 – 22.09.2023 godine, te da prezentiraju svoj tekst na Konferenciji „Omladinski aktivizam za mir“ koja će se održati 21.09. u svrhu dodjele Mirovne nagrade „Goran Bubalo“ i obilježavanja Međunarodnog dana mira. Organizator će snositi troškove puta i noćenja za autore_ice na ovim događajima.

Rok za prijave je **15.8.2023.** putem [online formulara](#).

Faktori pozitivnog mira

Faktori pozitivnog mira, kako ih je identificirao Institut za ekonomiju i mir (IEP), obuhvataju sveobuhvatno razumijevanje uvjeta i struktura koje potiču mirna društva. Ovi faktori doprinose uspostavi otpornosti, socijalne kohezije i održivog razvoja. Evo kratkog opisa svakog faktora:

1. Dobro funkcioniranje vlade: Dobro funkcioniranje vlade odnosi se na učinkovito upravljanje, transparentnost i vladavinu prava. Uključuje prisutnost odgovornih institucija, učinkovite javne usluge i pravednu raspodjelu resursa. Vlada koja djeluje s integritetom i štiti ljudska prava igra ključnu ulogu u održavanju mira.
2. Povoljno poslovno okruženje: Povoljno poslovno okruženje potiče ekonomski rast, poduzetništvo i stvaranje radnih mjesta. Uključuje faktore poput niskih nivoa korupcije, povoljnog regulatornog okvira i pristupa financiranju. Razvijeni poslovni sektor doprinosi socijalnoj stabilnosti i prosperitetu.
3. Ravnopravna raspodjela resursa: Ravnopravna raspodjela resursa osigurava zadovoljenje osnovnih potreba i smanjenje socijalno-ekonomskih nejednakosti. Uključuje pravedan pristup obrazovanju, zdravstvenoj zaštiti i mogućnostima društvene mobilnosti. Smanjenje nejednakosti i borba protiv siromaštva ključni su za izgradnju mirnih društava.
4. Prihvatanje prava drugih: Prihvatanje prava drugih odnosi se na priznavanje i poštovanje različitosti, inkluzije i ljudskih prava. Obuhvata promociju rodne ravnopravnosti, religijske i kulturne tolerancije te socijalne kohezije. Društvo koje cijeni i štiti prava svih svojih članova vjerovatnije će doživjeti mir.
5. Dobre odnose s susjedima: Održavanje dobrih odnosa sa susjednim zemljama i međunarodnim partnerima ključno je za miran suživot. Diplomacija, saradnja i rješavanje sukoba mirnim sredstvima doprinose regionalnoj stabilnosti i smanjuju rizik od nasilja.
6. Slobodan protok informacija: Slobodan protok informacija omogućava otvoren dijalog, slobodu izražavanja i pristup znanju. Uključuje živopisni medijski krajolik, slobodu interneta i obrazovanu populaciju. Informirano društvo je bolje opremljeno da mirno rješava izazove i sudjeluje u konstruktivnom dijalogu.

Ovi faktori pružaju cjelovit okvir za razumijevanje ključnih komponenti koje promoviraju pozitivan mir. Rješavanjem ovih faktora društva mogu stvoriti uvjete potrebne za dugoročni mir, otpornost i ljudski razvoj.

Cilj USAID Snaga lokalnog Projekta, koji provodi Udruženje Mreža za izgradnju mira je jačanje lokalnih zajednica te ima za cilj revitalizaciju lokalnih zajednica i razvoj multisektorske saradnje između svih društvenih aktera.

Kroz pomoć i podršku zajednicama u BiH, USAID Snaga lokalnog nastoji razviti kapacitete koji će omogućiti održivi rast, povećati građanski angažman i mobilizaciju raspoloživih lokalnih resursa.

Snaga lokalnog je petogodišnji program Američke agencije za međunarodni razvoj (USAID). Više informacija dostupno je na web stranici www.snagalokalnog.ba

3. NAGRADNI KONKURS: Odgovorno i uticajno izvještavanje o okolišu

Centar za promociju civilnog društva u okviru projekta „Misli o prirodi!“ nagrađuje za odgovorno, uticajno i pravovremeno izvještavanje na temu zaštite okoliša!

Pozivamo novinare i novinarku koji/e su u periodu od 1. juna 2022. do 30. juna 2023. godine obrađivali okolišna pitanja u Bosni i Hercegovini da učestvuju u ovom nagradnom konkursu!

Pravo učešća imaju profesionalni novinari/ke i fotoreporter/ke novinskih agencija, dnevnih listova, nedjeljnika i mjesečnika, javnih emitera i lokalnih televizija, radio stanica i internet portala (sa obavezno istaknutim impressumom).

Novinarska nagrada EKO NOVINARI/KE: Odgovorno i uticajno izvještavanje o okolišu dodjeljuje se u tri kategorije:

- **Audio/video prilog** (intervju, reportaža, TV/radio emisija, TV/radio prilog)
 - U kategoriju spadaju svi video ili audio prilozi na temu zaštite okoliša objavljeni na TV ili radio stanici, na internet portalu ili drugoj medijskoj platformi u trajanju od minimalno 1 minute.
- **Tekst** (članak, vijest, kolumna, blog)
 - U kategoriju spadaju svi novinarski tekstovi na temu zaštite okoliša, bez obzira na medijski žanr, objavljeni u printanim medijima i/ili na internet portalima, sa minimalno 1000 karaktera.
- **Fotografija**
 - U kategoriju spadaju novinarske fotografije, objavljene u printanim medijima i/ili na internet portalima, koje upečatljivo oslikavaju temu konkursa.

Nagrade:

Nagrada za najbolja audio/video prilog na temu zaštite okoliša – DJI OSMO MOBILE 6 GIMBAL

Nagrada za najbolji tekst – Lenovo laptop IdeaPad + ruksak

Nagrada za najbolju fotografiju – GoPro kamera HERO 8

Učesnici/e konkursa trebaju putem mail adrese takmicenje@mislioprirodi.ba (Subject maila: Prijava za nagradni konkurs) dostave sljedeće informacije, u skladu sa odabranom kategorijom:

1. Video/audio prilozi

Objavljeni na TV ili radio stanici, internet portalu ili drugoj medijskoj platformi: dostavlja se link ili materijal putem online servisa za slanje većih dokumenata sa jasno vidljivim logotipom medija, potpisom autora/ke i datumom objave;

2. Tekstovi:

Tekstovi objavljeni u printanom izdanju: dostavlja se u PDF ili JPG formatu sa jasno vidljivim logotipom printanog medija, potpisom autora/ke i datumom objave;

Tekstovi objavljeni na internet portalu/web stranici medija: dostavlja se link sa jasno vidljivim logotipom medija, naznačenim autorom/kom i datumom objave;

3. Fotografije:

Dostavlja se u JPG ili PNG formatu optimalne rezolucije sa jasno vidljivim logotipom medija, potpisom autora/ke i datumom objave.

U okviru svake prijave je potrebno dostaviti kratku biografiju novinara/ke i kontakt podatke (telefon, email adresa, mjesto prebivališta).

Jedan novinar/ka može aplicirati sa više medijskih materijala u jednoj ili u različitim kategorijama.

Prijave je moguće poslati do **25. augusta 2023. godine do 23:59 sati**, na gore navedenu mail adresu.

Nepotpune prijave, odnosno prijave koje nisu u skladu sa propozicijama konkursa neće se razmatrati.

Pobjednički materijali će biti promovisani na web stranici projekta „**Misli o prirodi!**“, Centra za promociju civilnog društva, te medijskom portalu www.objavi.ba, kao i na komunikacijskim kanalima organizacije i projekta.

Pristigle prijave će biti ocijenjene od strane stručnog žirija prema kriterijima relevantnosti, objektivnosti/profesionalnosti, brojnosti izvora, kvaliteta, originalnosti te usmjerenosti ka rješenju

Proglašenje pobjednika nagradnog konkursa će biti putem društvenih mreža i website-a projekta “Misli o prirodi!”, a dobitnici/e će biti obaviješteni putem maila i telefonski.

Kriteriji koji će se bodovati prilikom izbora najboljeg rada za svaku kategoriju su:

Relevantnost u odnosu na temu (10 bodova)

Podrazumijeva: *Da li je rad u skladu sa temom poziva – zaštitom okoliša.*

Objektivnost/profesionalnost i brojnost izvora (10 bodova)

Podrazumijeva: *Da li su informacije priložene u novinarskom radu pouzdane, provjerene na osnovu objektivnih i profesionalnih kriterija u skladu sa osnovnim principima novinarstva.*

Da li su pri izradi novinarskog rada korištena minimalno tri izvora u skladu sa osnovnim principima novinarstva, te da li su uzeti komentari i da li je data prilika za izjašnjavanje svih zainteresovanih strana koje se spominju u radu.

Kvalitet (10 bodova)

Podrazumijeva:

Da li je novinarski rad kvalitetan u kontekstu općih medijskih principa.

Da li je tekst napisan u strukturi koja odgovara opštim medijskim pravilima, odnosno da li video/radio prilog i fotografija tehnički zadovoljava i na kojem nivou opšte medijske principe.

Da li novinarski rad izaziva emociju i reakciju kod čitalaca/čitateljki, odnosno gledalaca/gledateljki.

Originalnost i ekskluzivnost (10 bodova)

Da li je tema koju obrađuje novinarski rad originalna i ekskluzivna ili je obrađena na originalan način.

Da li novinarski rad obrađuje temu koja je do tada bila nepoznata ili malo poznata široj javnosti ili već poznatu temu obrađuje iz novog ugla.

Da li novinarski rad donosi neke nove informacije o određenoj temi.

Utjecaj/Usmjerenost ka rješenju (10 bodova)

Da li je novinarski rad utjecao na određene promjene po pitanju teme koju je obradio.

Da li je rezultirao određenim mjerljivim reakcijama građana/ki, promjenom odnosa vlasti prema datom problemu.

Da li je doveo ili približio obrađeni problem njegovom rješenju ili na bilo koji način proizveo određene pozitivne promjene.

Evaluacija

U svakoj od tri kategorije bit će odabran po jedan novinarski rad koji će dobiti nagradu EKO NOVINARI/KE: Odgovorno i uticajno izvještavanje o okolišu, a evaluaciju radova vršit će stručna komisija.

4. Javni poziv za raspodjelu sredstava na Tekućem transferu za mlade u Budžetu Grada Zavidovići za 2023.godinu

Obavještavaju se omladinska udruženja sa područja grada Zavidovići da je dana 26.06.2023.godine raspisan Javni poziv za raspodjelu sredstava na Tekućem transferu za mlade u Budžetu Grada Zavidovići za 2023.godinu.

U prilogu obavijesti nalazi se tekst Javnog poziva i aplikacioni obrazac. Konkurs ostaje otvoren 20 dana od dana objavljivanja.

PREUZIMANJE

– [Javni poziv za raspodjelu sredstava na Tekućem transferu za mlade u Budžetu Grada Zavidovići za 2023.godinu](#)

– [Aplikacioni obrazac za prijavu projekta na Javni poziv za raspodjelu sredstava na Tekućem transferu za mlade u Budžetu Grada Zavidovići za 2023.godinu](#)

Izvor: <https://zavidovici.ba/>

5. KONKURS ZA DRAMSKI TEKST



Dis pozorište Banja Luka poziva sve autore i autorke da se prijave na konkurs za dramski tekst

Tražimo originalan i savremen tekst koji obrađuje važne teme i donosi svježi pogled na savremeni život. Tekst bi trebao biti inovativan, savremen i angažovan.

Prijave se primaju **do 1. avgusta 2023. godine**, a pobjednik će biti obaviješten **do 1. septembra 2023. godine**.

Tekst ne smije biti ranije izvođen.

Prijave se šalju elektronskim putem na adresu dis.konkurs@gmail.com Potrebno je poslati tekst u PDF formatu, zajedno sa biografijom autora ili autorke.

PRAVILA KONKURSA:

1. Na konkurs se mogu prijaviti svi autori i autorke stariji od 18 godina.
 2. Traži se dramski tekst sa dva lica (muško-žensko) u svojim 20 - 25. godinama.
 3. Tekst mora biti originalan, ne smije biti ranije izvođen.
 4. Dužina teksta ne smije prelaziti 30 stranica u formatu za ispis, sa fontom veličine 12.
 5. Tekst se šalje u PDF formatu, zajedno sa biografijom autora ili autorke na adresu dis.konkurs@gmail.com
 6. Prijave se primaju do 1. avgusta 2023. godine.
 7. Pobjednik/ica će dobiti novčanu nagradu (otkup teksta) i izvedbu teksta u Dis pozorištu Banja Luka.
 8. Dis pozorište Banja Luka zadržava pravo da ne otkupi tekst ukoliko ne pronađe odgovarajući tekst na konkursu.
 9. Pobjednik konkursa će biti obaviješten do 1. septembra 2023. godine.
 10. Autor ili autorka nagrađenog teksta pristaje na objavljivanje teksta u izdanju Dis pozorišta Banja Luka.
 11. Dis pozorište Banja Luka zadržava pravo da prilagodi tekst za potrebe izvođenja na sceni, uz prethodno odobrenje autora ili autorke.
 12. Autor ili autorka nagrađenog teksta pristaje da se njegovo ili njeno ime, kao i biografija, koriste za brošure, plakate, najave kao i na web stranici pozorišta.
 13. Sudjelovanjem na konkursu, autor ili autorka prihvataju sva pravila ovog konkursa.
- Radujemo se vašim prijavama i želimo vam puno sreće!
Za sva dodatnja pitanja možete se javiti na sledeći adresu: dis.konkurs@gmail.com

6. Javni poziv za produkciju medijskih sadržaja o temama u lokalnim sredinama

Centar za građansku suradnju iz Livna (CGS) implementira projekt „Participacija građana u lokalnoj upravi,, i poziva zainteresirane lokalne medije, novinare, predstavnike mjesnih zajednica, predstavnike organizacija civilnog društava i građane novinare, koji žele pisati i producirati priče iz lokalnih zajednica, te pisati o dobrim i pozitivnim primjerima iz zajednice, problemima i preprekama za građane/ke, te žele reagirati na nepravdu i izraziti nezadovoljstvo na području općina Bosansko Grahovo, Drvar, Livno, Tomislavgrad, Kupres, Glamoč, Grude, Ljubuški, Posušje, Široki Brijeg, Čapljina i Stolac, da podnesu medijske sadržaje (pisani, foto, video sadržaj) o temama u lokalnim sredinama. Aktivnost podržava Nacionalna zaklada za demokraciju / National Endowment for Democracy (NED).

1. Prioritetne teme

CGS će podržati sljedeće teme:

1. Sadržaji o ekonomiji i biznisu, poduzetništvu, investicijama na lokalnoj razini;
2. Sadržaji o korupciji i kriminalu u lokalnim sredinama;
3. Sadržaji o nepotizmu i stranačkom zapošljavanju;
4. Sadržaji o prirodi, zaštiti prirode, upravljanje prirodnim resursima;
5. Sadržaji za djecu i mlade (školske i izvanškolske aktivnosti);
6. Sadržaji o različitim vrstama ovisnosti (duhan, alkohol, droge, klađenje, video igrice ...);
7. Edukativni i zabavni sadržaji;

2. Iznos naknada za lokalne sadržaje / priče

- Maksimalni iznos po jednoj podržanoj priči iznositi će do 150 USD za novinare i medije, a do 100 USD za građane, predstavnike MZ i OCD-a.
- Ukupna sredstva izdvojena za ovu aktivnost iznose 2.700 USD.

3. Kako se kvalificirati za potporu?

Podnositelji moraju ispuniti sljedeće uvjete da bi se kvalificirali za dodjelu sredstava:

- i. Odabir priče po gore navedenim temama;
- ii. Autor/ica aplicira s pričom koja isključivo nigdje nije prethodno objavljena;
- iii. Prijava predana na vrijeme CGS-u;
- iv. Odobrenje zahtjeva od strane Komisije/Povjerenstva za lokalne priče sastavljene od tri člana (Komisija/Povjerenstvo će pregledati, ocijeniti i odabrati najbolje priče);

4. Postupak za dobivanje podrške

- i. Priče pristigle u propisanom vremenu;
- ii. Ocjena priča od strane svakog člana Komisije/Povjerenstva;
- iii. Zajednička rasprava, usporedba i konačna ocjena svake priče od strane Komisije/ Povjerenstva; U slučaju nejasnoća oko podataka sadržanih u priči, Komisija/Povjerenstvo može zatražiti dodatne informacije od autora/ice. U tom će slučaju konačna odluka biti odgođena za sljedeći sastanak Komisije.

Konačna lista odabranih priča i same priče će biti objavljene na stranici CGS-a i drugih medija u BiH.

5. Objava poziva za zainteresirane lokalne medije, novinare, predstavnike mjesnih zajednica, predstavnike organizacija civilnog društava i građane

Javni poziv je otvoren od dana objavljivanja, **27.06.2023. godine do 31.07.2023. godine.**

Poziv za konkretnu podršku će biti objavljen na lokalnim medijima, web stranicama CGS.

Aktivnosti odabira priča trebaju biti završene do 30.10.2023. godine, a priče će se objavljivati u periodu od godinu dana.

Sva pitanja koja se tiču ovoga poziva za priče trebaju biti dostavljena na e-mail: Asmir Orman – cgs-li@tel.net.ba ili na telefon/faks: 034 202 770.

Zainteresirani trebaju dostaviti priču (pisana priča, foto, video) na gore navedeni e-mail s naznakom ili predmetom “Javni poziv za produkciju medijskih sadržaja o temama u lokalnim sredinama” ili na adresu:

Centar za građansku suradnju
Gabrijela Jurkića 8a (Livnopotovi)
80101 Livno
Izvor: cgslivnog.org

6. POZIV ZA PRIJAVE - CORE GRANTS



Projekat SMART Balkans raspisuje drugi Javni poziv za podnošenje prijave za CORE grantove, za podnositelje prijava iz Albanije, Bosne i Hercegovine, Kosova, Crne Gore, Sjeverne Makedonije i Srbije

Javni poziv za dodjelu CORE grantova sa svim potrebnim informacijama i uputstvima dostupan je na našoj zvaničnoj

web stranici: <https://smartbalkansproject.org/.../call-for-.../>

Projekat SMART Balkans, finansiran od strane Ministarstva vanjskih poslova Norveške, implementira Centar za promociju civilnog društva (CPCD) iz Bosne i Hercegovine kao vodeći aplikant, u partnerstvu sa Centrom za istraživanje i politiku making (CRPM) iz Sjeverne Makedonije, te Institutom za demokratiju i medijaciju (IDM) iz Albanija.

[#smartbalkans](#) [#SmartlyConnected](#)
[Norwegian Embassy in Belgrade](#)
[Norwegian Embassy in Prishtina](#)
[Norwegian Embassy in Sarajevo](#)
[Center for Research and Policy Making](#)
[Centar za promociju civilnog društva](#)
[IDM Albania](#)

ROK ZA PODNOŠENJE PRIJAVA 31.07.2023. u 17:00 h



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

Omladinski resursni centar Tuzla
Hadži Bakirbega Tuzlića 1
75000 Tuzla

tel/fax: 035 258 077

e-mail: orctuzla@bih.net.ba

Mjesečni bilten uređuje Omladinski resursni centar - ORC Tuzla

Urednik Biltena:

Minela Dohranović

Prevod Biltena na

engleski: **Adnan Karamujić**

WEB stranica Mreže:

www.orctuzla.ba

Mejling lista Mreže:

omladina@orctuzla.ba

Webmaster:

anicic.dev@gmail.com

ISSN (BHS Varijanta): **2831 – 0845**

ISSN (Engleski): **2831 0853**